

КАФИСМА ВОСЕМНАДЦАТАЯ

Песнь степеней, 119

¹ Ко Господу, вегда скорбети ми, возвах, и услыша мя. ² Господи, избави душу мою от устен неправедных и от языка льстива. ³ Что дастся тебе, или что приложится тебе к языку льстиву? ⁴ Стрелы сильного изощрены, со углами пустынными. ⁵ Увы мне, яко пришельствие мое продолжися, вселихся с селении Кидарскими. ⁶ Много пришельствова душа моя, с ненавидящими мира бех мирен: ⁷ егда глаголах им, боряху мя туне.

Песнь степеней, 120

¹ Возведох очи мои в горы, отнюдуже придет помощь моя. ² Помощь моя от Господа, сотворшаго небо и землю. ³ Не даждь во смятение ноги твоея, ниже воздремлет храняй тя, ⁴ се не воздремлет, ниже уснет храняй Израиля. ⁵ Господь сохранит тя, Господь покров твой на руку десную твою. ⁶ Во дни солнце не ожжет тебе, ниже луна ночью. ⁷ Господь сохранит тя от всякаго зла, сохранит душу твою Господь. ⁸ Господь сохранит вхождение твое и исхождение твое, отныне и до века.

Песнь степеней, 121

¹ Возвеселихся о рекших мне: в дом Господень пойдём. ² Стояще бяху ноги наша во дворах твоих, Иерусалиме. ³ Иерусалим зиждемый яко град, емуже причастие его вкупе. ⁴ Тамо бо възидоша колена, колена Господня, свидение Израилево, исповедатися имени Господню, ⁵ яко тамо седоша престолы на суд, престолы в дому Давидове. ⁶ Вопросите же яже о мире Иерусалима: и обилие любящим тя. ⁷ Буди же мир в силе твоей и обилие в столпостенях твоих. ⁸ Ради братьих моих и ближних моих глаголах убо мир о тебе. ⁹ Дому ради Господа Бога нашего взысках благая тебе.

Песнь степеней, 122

¹ К Тебѣ возведох очи мои, живущему на Небеси. ² Се яко очи раб в руку господий своих, яко очи рабыни в руку госпожи своея, тако очи наши ко Господу Богу нашему, дондеже ущедрит ны. ³ Помилуй нас, Господи, помилуй нас, яко по многу исполнихомся уничижения, ⁴ наипаче наполнися душа наша поношения гобзующих и уничижения гордых.

Песнь степеней, 123

¹ Яко аще не Господь бы был в нас, да речет убо Израиль, ² яко аще не Господь бы был в нас, внегда востати человеком на ны, убо живых пожерли быша нас, ³ внегда прогневатися ярости их на ны, убо вода потопила бы нас. ⁴ Поток преjde душа наша, ⁵ убо преjde душа наша воду непостоянную. ⁶ Благословен Господь, Иже не даде нас в ловитву зубом их. ⁷ Душа наша, яко птица избавися от сети ловящих: сеть сокрушися, и мы избавлени быхом. ⁸ Помощь наша во имя Господа, сотворшаго небо и землю.

Слава:

Песнь степеней, 124

¹ Надѣющися на Господа, яко гора Сион: не подвижится в век живый во Иерусалиме. ² Горы окрест его, и Господь окрест людей Своих отныне и до века. ³ Яко не оставит Господь жезла грешных на жребий праведных, яко да не прострут праведнии в беззакония рук своих. ⁴ Ублажи, Господи, благия и правыя сердцем. ⁵ Уклоняющыя же в развращения отведет Господь с делающими беззаконие. Мир на Израиля.

Песнь степеней, 125

¹ Всегда возвратити Господу плен Сионь, быхом яко утешени. ² Тогда исполнишася радости уста наша и язык наш веселия, тогда рекут во языцех: возвеличил есть Господь сотворити с

ними. ³ Возвеличил есть Господь сотворити с нами: быхом веселящися. ⁴ Возврати, Господи, пленение наше, яко потоки югом. ⁵ Сеюши слезами, радостию пожнут. ⁶ Ходящи хождяху и плакахуся, метаяще семена своя, грядуще же приидут радостию, вземлюше рукояти своя.

Песнь степеней, 126

¹ Аще не Господь созиждет дом, все трудишася зиждущии. Аще не Господь сохранит град, все бде стрегий. ² Все вам есть утревати, востанете по седении, ядущии хлеб болезни, егда даст возлюбленным Своим сон. ³ Се достойние Господне сынове, мзда плода чревного. ⁴ Яко стрелы в руке сильного, тако сынове отрясенных. ⁵ Блажен, иже исполнит желание свое от них. Не постыдятся, егда глаголют врагом своим во вратех.

Песнь степеней, 127

¹ Блажени вси боящиися Господа, ходящи в путех Его. ² Труды плодов Твоих снеси: блажен еси, и добро тебе будет. ³ Жена твоя, яко лоза, плодовита в странах дому твоего, ⁴ сынове твои, яко новосаждения масличная, окрест трапезы твоея. ⁵ Се тако благословится человек бояйся Господа. ⁶ Благословит тя Господь от Сиона, и узриши благая Иерусалима вся дни живота твоего, ⁷ и узриши сыны сынов твоих. Мир на Израиля.

Песнь степеней, 128

¹ Множицею брашася со мною от юности моея, да речет убо Израиль: ² множицею брашася со мною от юности моея, ибо не премогоша мя. ³ На хребте моем делаша грешницы, продолжиша беззаконие свое. ⁴ Господь Праведен ссечет выя грешников. ⁵ Да постыдятся и возвратятся вспять вси ненавидящи Сиона. ⁶ Да будут, яко трава на здох, яже прежде восторжения изше, ⁷ еюже не исполни руки своея жнй, и недра своего рукояти собирай, ⁸ и не реша мимоходящи: благословение Господне на вы, благословихом вы во имя Господне.

Слава:

Песнь степеней, 129

¹ Из глубины възвахъ къ Тебѣ, Господи, Господи, услыши глас мой. ² Да будутъ уши Твои внѣмлюще гласу молѣнія моего. ³ Аще беззаконія нѣзриши, Господи, Господи, кто постоитъ? Яко у Тебѣ очищѣние есть. ⁴ Имене ради Твоего потерпѣхъ Тя, Господи, потерпѣ душа моя въ слово Твое, упова душа моя на Господа. ⁵ От стражи утрення до ноци, от стражи утрення да уповаетъ Израиль на Господа. ⁶ Яко у Господа милость, и многое у Него избавленіе, и Той избавитъ Израиля отъ всехъ беззаконій его.

Песнь степеней, 130

¹ Господи, не вознесѣся сердце мое, ниже вознесѣтся очи мои, ниже ходихъ въ великихъ, ниже въ дивныхъ паче мене. ² Аще не смиренѣмудрствоваша, но вознесѣхъ душу мою, яко отдоеное на мать свою, тако воздѣси на душу мою. ³ Да уповаетъ Израиль на Господа, отныне и до века.

Песнь степеней, 131

¹ Помяни, Господи, Давида и всю кротость его: ² яко клятса Господеви, обещася Богу Иаковлю: ³ аще вниду въ селѣние дому моего, или възыду на одр постѣли моея, ⁴ аще дамъ сон очима моима и вѣждома моима дреманіе, и покой скранияма моима, ⁵ дондеже обрящу мѣсто Господеви, селѣние Богу Иаковлю. ⁶ Се слышахомъ я въ Евфрафѣ, обретохомъ я въ поляхъ дубравы. ⁷ Внидемъ въ селѣнія Его, поклонимся на мѣсто, идеже стоясте ноге Его. ⁸ Воскресни, Господи, въ покой Твой, Ты и кивотъ святыни Твоея. ⁹ Священницы Твои облечутся правдою, и преподѣбнии Твои возрадуются. ¹⁰ Давида ради раба Твоего не отврати лице помазаннаго Твоего. ¹¹ Клятса Господь Давиду истинною и не отвержется ея: от плода чрева твоего посажду на престолѣ твоѣмъ. ¹² Аще сохранятъ сынове твои заветъ Мой, и свидѣнія Моя сия, имже научу я, и сынове ихъ до века сядутъ на

престоле твоём. ¹³ Яко избра́ Господь Сиона, изволи́ и в жилище Себе́. ¹⁴ Сей покой Мой во век века, zde вселю́ся, яко изволих и́. ¹⁵ Ловитву его́ благословля́яй благословлю́, нищыя его́ насыщу́ хлѣбы, ¹⁶ священники его́ облеку́ во спасѣние, и преподобнии его́ радостію возра́дуются. ¹⁷ Тамо возвращу́ рог Давидови, уготовах светильник помазанному Моему́. ¹⁸ Враги́ его́ облеку́ студом, на немже процветѣт свѣтъ Моя́.

Песнь степеней, 132

¹ Се что́ добро́, или́ что́ красно́, но еже жити́ братии́ вкупе? ² Яко миро́ на главѣ, сходя́щее на брадú, брадú Аарону́, сходя́щее на ометы́ оде́жды его́, ³ яко роса́ Аермо́нская сходя́щая на горы́ Сионскія, яко́ тамо́ заповѣда́ Господь благословѣние и живот до́ века.

Песнь степеней, 133

¹ Се ны́не благословите́ Господа́ вси раби́ Господни, стоя́щие в хра́ме Господни, во двóрех до́му Бо́га нашего́, ² В но́щех возде́жите ру́ки ва́ша во свѣта́я, и благословите́ Господа́. ³ Благословит́ тя Господь от Сиона́, сотвори́вый не́бо и зѣмлю
Слава:

По 18-й кафисме, Трисвятое

Таже тропари, глас 2: Прѣжде да́же не осуди́ши мя, Го́споди мой, Го́споди, даждь ми обра́щение, и исправлѣние мно́гих мои́х грехо́в, даждь ми умилѣние духо́вное, яко́ да возопию́ к Тебе́: Благоутро́бне, Человеколю́бче Бо́же мой, спаси́ мя.

Слава: Несмы́сленным ското́м уподо́бивыйся аз, блудный, приложих́ся им: обра́щение ми да́руй, Христѣ́, яко́ да прииму́ у Тебе́ ве́лию ми́лость.

И ныне: Не отврати́, Влады́чице, лица́ Твоего́ от мене́, моля́щагося Тебе́, но, яко́ Благоутро́бная Ма́ти Ще́драго Бо́га, потщи́ся прѣжде конца́ обра́щение мне дарова́ти, яко́ да спас́ся Тобо́ю, воспою́ Тя, яко́ спасѣние и упова́ние мое́, непосрамлѣнное, Госпоже́ моя́.

Го́споди, поми́луй (40) и молитва:

Господи, да не яростию Твоею обличиши мене, ниже гневом Твоим накажешы мя. Владыко Господи Иисусе Христе, Сыне Бога Живаго, помилуй мя, грешнаго, нищаго, обнаженнаго, лениваго, нерадиваго, прекословнаго, окаяннаго, блудника, прелюбодѣя, малакѣя, мужеложника, сквернаго, блуднаго, неблагодарнаго, немилостиваго, жестокаго, пьяницу, сожженнаго совестью, безличнаго, бездерзновеннаго, безответнаго, недостойнаго Твоего человеколюбия, и достойна всякаго мучения, и геены, и муки. И не ради множества толиких моих согрешений множеству подложши, избавителю, мук; но помилуй мя, яко немощен есмь, и душею, и плотию, и разумом, и помышлением, и имже вси судьбами спаси мя, недостойнаго раба Твоего, молитвами Пречистыя Владычицы нашея Богородицы, и всех святых, от века Тебе благоугождаших: яко благословен еси во веки веков, аминь.